

Adresseinformasjon fylles inn ved ekspedering. Se mottakerliste nedenfor.

Vår dato: 17.09.2024

Vår ref.: 202409861-2 Oppgi ved kontakt

Dykkar ref.:

Høyring av søknad frå Stad kommune om uttak av vatn frå Berstadvatnet i Stad kommune i Vestland

NVE har motteke ein søknad frå Stad kommune, datert 27.05.2024, om løyve til uttak av vatn frå Berstadvatnet, til bruk i Berstadvatnet vassverk. Søknaden med vedlegg er lagt ut på www.nve.no/9443/V, og den blir kunngjort av NVE i avisene Fjordabladet og Fjordenes Tidende. Dersom du ønskjer papirutgåve av søknaden kan du ta kontakt med Stad kommune på tlf. 57 88 58 00 eller e-post post@stad.kommune.no.

Kva søknaden gjeld

Selje vassverk i Stad kommune er ikkje i stand til å dekke behovsauken som vil kome som følge av planlagt bygging av Stad skipstunnel. Berstadvatnet er vurdert å vere den einaste mogelege vasskjelda som kan forsyne områda rundt Moldefjorden med tilstrekkeleg vatn i åra som kjem. Dette gjeld også i anleggsfasen for bygging av Stad skipstunnel. Det er også eit stort behovet for brannsløkkevatn i forsyningsområdet. Stad kommune ynskjer difor å etablere eit nytt vassverk med Berstadvatnet som vassskjelde.

Planlagt gjennomsnittleg vassforbruk er på 5,2 l/s. Behovet for maksimalt vassuttak frå Berstadvatnet er rekna til 30 l/s. Naudsynt reguleringshøgde er vurdert til 50 cm. Det er ikkje planlagt å etablere dam.

I tillegg til å forsyne områda rundt Moldefjorden er det også planlagt å nytte Berstadvatnet vassverk som reservevassskjelde for Selje vassverk, som manglar reservevassløyving i dag. Samstundes vil Selje vassverk vere reservevassskjelde for Berstadvatnet vassverk.

Kva gjer du viss du ønskjer å uttale deg?

Alle som har ei meining om saka, kan sende ein uttale på éin av følgjande måtar:

- via skjema for uttalar, som de finn på www.nve.no/9443/V
- via e-post til uttalelse@nve.no (merk e-post med «Høyringsuttale saksnummer 202409861» i emnefeltet, og skriv namn og organisasjonsnummer i innleiinga viss du representerer ei verksemd)
- via brev til NVE, Postboks 5091, Majorstuen, 0301 OSLO



Frist for uttale er **30.10.2024**.

Uttalen eller deler av uttalen vil bli referert i eit endeleg vedtak. Dersom uttalen dykkar er lang, er det difor ein fordel om de lagar eit samandrag som kan brukast til dette.

Kva ønskjer vi innspel om?

Vi ønskjer grunnleggjende synspunkt på om planane bør gjennomførast, ev. val av alternativ eller forslag til avgrensingar i planane. Vi ønskjer også forslag til avbøtande tiltak som kan redusere skadane ved gjennomføring av planane.

Vi ber kommunen informere om kjente allmenne interesser som kan bli påverka av tiltaket. Dette kan vere friluftslivsinteresser, kulturminne, verdifulle naturtypar, raudlista artar og informasjon om vilt. Det er også av interesse for oss å få informasjon om planstatus, status i forhold til vassforskrifta, eksisterande vassuttak eller andre aktivitetar i vassdraget osv.

Vi ber Statsforvaltaren og fylkeskommunen om å vurdere om kjente allmenne interesser kan bli påverka, og i tillegg vurdere tiltaket opp mot sitt sektoransvar.

Informasjon om saksbehandlinga

Søknaden skal behandlast etter reglane i kapittel 3 i vassressurslova og gjeld løyve etter vassressurslova § 8.

Etter at høyringsfristen er ute får søkar anledning til å kommentere innkomne høyringsuttalar, før NVE vanlegvis gjennomfører synfaring i området. Alle som har sendt inn uttale vil bli invitert på synfaringa.

Søknaden, synfaringa og innkomne uttalar er eit viktig grunnlag for NVE si vurdering. NVE fattar vedtak i saka etter kriteriet i vassressurslova § 25, som er at fordelane må vere større enn ulempene for at vi skal kunne gje løyve. I den samla vurderinga står NVE fritt til å vurdere om løyve skal gjevast og i kva utstrekning. Eit vedtak blir alltid grunnlegjende.

Dersom NVE gjev løyve/konsesjon, kan det vere knytt vilkår til denne, jf. vassressurslova § 26.

NVE sitt vedtak kan klagast på til Energidepartementet innan tre veker frå det tidspunktet det er komme fram til parten. Retten til å klage avgrensar seg til dei som har klagerett.

Med helsing

Gry Berg
seksjonssjef

Bård Ottesen
seniorrådgjevar

Dokumentet vert sendt utan underskrift. Det er godkjent i tråd med interne rutinar

**Mottakarliste:**

Norges Miljøvernforbund
Norges Jeger- og Fiskerforbund - Sogn og Fjordane
Mattilsynet
Ytre Nordfjord Turlag
Naturvernforbundet i Sogn og Fjordane
Forum for Natur og Friluftsliv Sogn og Fjordane
STATSFORVALTAREN I VESTLAND
STAD KOMMUNE
VESTLAND FYLKESKOMMUNE

Kopimottakarliste:

TBMV - Seksjon for miljøtilsyn vassdragsanlegg - Randi Holme